



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ  
ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁ

ք. Երևան

29.01.2019թ.

Ո Ր Ո Շ ՈՒ Մ

ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ

թիվ ԳԲՔԱ-ԷՍ-2018/01

ՀՀ գնումների հետ կապված բողոքներ քննող անձը (այսուհետ՝ նաև Բողոքներ քննող անձ)՝ քննելով «ՏՐԱՆՍ-ՍՖԵՐ» ՍՊԸ-ի (այսուհետ՝ նաև Ընկերություն) կողմից 08.01.2019թ. ներկայացրած բողոքը (այսուհետ՝ նաև Բողոք) և կից փաստաթղթերը, պարզեց հետևյալը.

**1. «ՏՐԱՆՍ-ՍՖԵՐ» ՍՊԸ-ի ներկայացրած փաստերը, հիմնավորումները և պահանջը.**

«ՏՐԱՆՍ-ՍՖԵՐ» ՍՊԸ-ն 08.01.2019թ. Բողոքներ քննող անձին ներկայացրած բողոքով հայտնել է հետևյալը.

««Հայաստանի ազգային ֆիլիարմոնիկ նվագախումբ» ՊՈԱԿ-ի կարիքների համար կազմակերպվել է ՀԱՖՆ-ԳՀԾՁԲ-19/01 ծածկագրով գնանշման հարցման ընթացակարգ (այսուհետ նաև՝ Ընթացակարգ):

Ընթացակարգի հրավերով սահմանված գնման առարկա է հանդիսանում անվտանգության և պահնորդական ծառայությունները:

Ի թիվս այլ ընկերությունների Ընթացակարգին մասնակցության հայտ է ներկայացվել նաև «ՏՐԱՆՍ-ՍՖԵՐ» ՍՊԸ-ի (այսուհետ՝ Ընկերություն) կողմից:

Ընթացակարգի գնահատող հանձնաժողովի 19.12.2018թ ժամը 12:00-ին տեղի ունեցած նիստի թիվ 2 արձանագրության 4-րդ կետի 4.2 ենթակետով արձանագրվել է Ընկերությանը առաջին տեղ զբաղեցնող մասնակից ճանաչելու մասին ընդունված որոշումը, այնուհետ հարցում է կատարվել ՀՀ պետական եկամուտների կոմիտե՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների առկայության վերաբերյալ:

Ընթացակարգի գնահատող հանձնաժողովի 21.12.2018թ. ժամը 12:00-ին տեղի ունեցած նիստի թիվ 3 արձանագրության 1-ին կետիով արձանագրվել է Ընկերության կողմից ներկայացված հայտը բավարար գնահատելու մասին ընդունված որոշումները և նույն արձանագրության 2-րդ կետով արձանագրվել է Ընկերությանը հաղթող ճանաչելու մասին ընդունված որոշումը:

Ընկերության հետ պայմանագիր կնքելու որոշումը հրապարակվել է 24.12.2018թ., որով անգործության ժամկետ է սահմանվել մինչև 29.12.2018թ.:

ՀՀ պետական եկամուտների կոմիտեի կողմից ներկայացվել է եզրակացություն (այսուհետ՝ Եզրակացություն) 26.12.2018թ, համաձայն որի Ընկերությունը ունեցել է 868.000 ՀՀ դրամի չափով պարտավորություն, որը մարվել է 26.12.2018թ.:

Ընթացակարգի գնահատող հանձնաժողովի 27.12.2018թ. ժամը 12:00-ին տեղի ունեցած նիստի թիվ 3.1 արձանագրության 1-ին կետի 1.1 ենթակետով արձանագրվել է որոշում, համաձայն որի Ընկերության հայտը մերժվել է Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորություններ ունենալու հիմնավորմամբ:

Վերոնշյալ արձանագրությամբ արձանագրվել են նաև «ՊԱՀԱՊԱՆ» ՍՊԸ-ին Ընթացակարգի շրջանակներում հաղթող ճանաչելու և նրա հետ պայմանագիր կնքելու որոշման տեքստը հաստատելու վերաբերյալ որոշումները:

«ՊԱՀԱՊԱՆ» ՍՊԸ-ի հետ պայմանագիր կնքելու որոշումը հրապարակվել է 28.12.2018թ., որով անգործության ժամկետ է սահմանվել մինչև 09.01.2019թ.:

Ընկերության հայտը մերժվել է Ընթացակարգի գնահատող հանձնաժողովի կողմից հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով Օրենքով նախատեսված շեմը գերազանցող ժամկետանց պարտավորություններ ունենալու հիմնավորմամբ:

Ընկերության կողմից ուսումնասիրության արդյունքում պարզ է դարձել, որ այդ պարտավորությունները վերաբերում են «ՀՀ պաշտպանության ժամանակ զինձառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն վճարման ենթակա դրոշմանիշային վճարներին, որոնց մասին Ընկերությունը հարկային մարմի կողմից որևէ իրազեկում չի ստացել և այդ տեղեկությունը կարող էր ձեռք բերել միայն Ընկերության հարկ վճարողի անձնական հաշվի քարտի քաղվածքի տվյալներում առկա տեղեկատվությունից:

Ուսումնասիրության արդյունքում պարզ է դարձել նաև, որ ՀՀ ԿԱ պետական եկամուտների կոմիտեի նախագահի 2017թ հուլիսի 19-ի թիվ 228-Ն հրամանի համաձայն սահմանված վերահսկվող եկամուտների գծով պարտավորությունների վերաբերյալ տրվող տեղեկանքի ձևում «ՀՀ պաշտպանության ժամանակ զինձառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն վճարման ենթակա դրոշմանիշային վճարը որպես հարկային մարմի կողմից վերահսկվող եկամուտների գծով պարտավորություն, նախատեսված չէ:

Ընկերությունը գտնում է, որ պետք է վերականգնվի նրա հետագա մասնակցությունը գնման գործընթացին, քանի որ դրա դադարեցումը պայմանավորված է եղել հարկային մարմի կողմից իրազեկված չլինելու հանգամանքով:»

«ՏՐԱՆՍ-ՍՖԵՐ» ՍՊԸ-ն Բողոքներ քննող անձին ներկայացված բողոքով խնդրել է.

1. Պարտավորեցնել Ընթացակարգի գնահատող հանձնաժողովին դադարեցնել 28.12.2018թ ժամը 12:00-ին տեղի ունեցած նիստի թիվ 3.1 արձանագրության 1-ին կետի 1.1 ենթակետով Ընկերության հայտը մերժելու մասին կայացրած որոշումը:

2. Պարտավորեցնել Ընթացակարգի գնահատող հանձնաժողովին դադարեցնել 28.12.2018թ ժամը 12:00-ին տեղի ունեցած նիստի թիվ 3.1 արձանագրության 2-րդ կետի ա) ենթակետով «ՊԱՀԱՊԱՆ» ՍՊԸ-ին 1-ին չափաբաժնի մասով 1-ին տեղ զբաղեցնող մասնակից ճանաչելու մասին կայացված որոշումը:

3. Պարտավորեցնել Ընթացակարգի գնահատող հանձնաժողովին դադարեցնել «ՊԱՀԱՊԱՆ» ՍՊԸ-ի հետ պամանագիր կնքելու մասին կայացված որոշումը:

4. Պարտավորեցնել Ընթացակարգի գնահատող հանձնաժողովին ընդունել որոշում Ընկերության հայտը բավարար գնահատելու մասին:

Բողոքներ քննող անձի կողմից հրավիրված նիստերին մասնակցում էին «ՏՐԱՆՍ-ՍՖԵՐ» ՍՊԸ-ի տնօրեն Հովհաննես Պետրոսյանը և լիազորված ներկայացուցիչ Հայկ Ղազարյանը:

**2. «Հայաստանի ազգային ֆիլիարմոնիկ նվագախումբ» ՊՈԱԿ-ի կողմից բողոքի վերաբերյալ ներկայացված փաստերը, հիմնավորումները և դիրքորոշումը.**

Ղեկավարվելով «Գնումների մասին» ՀՀ օրենքի 50-րդ հոդվածի 4-րդ մասով՝ Բողոքներ քննող անձը 08.01.2019թ. գրությամբ դիմել է «Հայաստանի ազգային ֆիլիարմոնիկ նվագախումբ» ՊՈԱԿ-ին՝ խնդրելով Բողոքի վերաբերյալ որոշում կայացնելու նպատակով, նույն հոդվածով սահմանված ժամկետում Բողոքներ քննող անձին տրամադրել գրավոր դիրքորոշում, սակայն վերջինիս կողմից որևէ դիրքորոշում չի ներկայացվել:

Բողոքներ քննող անձի կողմից հրավիրված նիստերին մասնակցում էր «Հայաստանի ազգային ֆիլիարմոնիկ նվագախումբ» ՊՈԱԿ-ի լիազորված ներկայացուցիչ Հարություն Բարդոյանը:

**3. ԳԲԲԱ-ԷՍ-2019/01 բողոքի քննության համար էական նշանակություն ունեցող փաստերը, Բողոքներ քննող անձի հիմնավորումները և եզրահանգումը.**

Բողոքներ քննող անձն ուսումնասիրել է «ՏՐԱՆՍ-ՍՖԵՐ» ՍՊԸ-ի (այսուհետ՝ նաև Ընկերություն) կողմից 08.01.2019թ. ներկայացրած բողոքը և կից փաստաթղթերը, ՀԱՖՆ-ԳՀԾՁԲ-19/01 ծածկագրով գնանշման հարցման հրավերը (այսուհետ՝ նաև Հրավեր) ՀԱՖՆ-ԳՀԾՁԲ-19/01 ծածկագրով գնանշման հարցման հանձնաժողովի (այսուհետ՝ նաև Հանձնաժողով) 19.12.2018թ. ժամը 12:00-ին կայացած նիստի թիվ 2 և 27.12.2018թ. ժամը 12:00-ին կայացած նիստի թիվ 3.1 արձանագրությունները, 19.12.2018թ. դրությամբ Ընկերության՝ «Հարկ վճարողի անձնական հաշվի քարտի» քաղվածքը, ՀՀ պետական եկամուտների կոմիտեի կողմից 11.01.2019թ. «ՏՐԱՆՍ-ՍՖԵՐ» ՍՊԸ-ին տրված թիվ 16 տեղեկանքը, Ընկերության կողմից Ընթացակարգին ներկայացված մասնակցության հայտի պատճենը, ՀՀ պետական եկամուտների կոմիտեի կողմից 24.12.2018թ. տրված եզրակացությունը.

«Հայաստանի ազգային ֆիլիարմոնիկ նվագախումբ» ՊՈԱԿ-ի կարիքների համար՝ անվտանգության և պահնորդական ծառայությունների մատուցման ձեռքբերման նպատակով հայտարարվել է ՀԱՖՆ-ԳՀԾՁԲ-19/01 ծածկագրով գնանշման հարցում,

(այսուհետ նաև՝ Ընթացակարգ) որին մասնակցության հայտ է ներկայացրել նաև «ՏՐԱՆՍ-ՍՖԵՐ» ՍՊԸ-ն:

Ընկերության կողմից առաջարկված գնային առաջարկը կազմել է՝ 6.300.000 ՀՀ դրամ:

Ընկերությունը Ընթացակարգին մասնակցելու նպատակով ներկայացված հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին համապատասխանելու մասին հայտարարությամբ, հայտարարել և հավաստել է, որ բավարարում ՀԱՖՆ-ԳՀԾՁԲ-19/01 ծածկագրով գնանշման հարցման հրավերով սահմանված մասնակցության իրավունքի պահանջներին:

Հանձնաժողովը 19.12.2018թ. ժամը 12:00-ին կայացած նիստի թիվ 2 արձանագրության 5-րդ կետով արձանագրել է, որ Ընթացակարգի առաջին տեղ զբաղեցնող մասնակից է ճանաչվում «ՏՐԱՆՍ-ՍՖԵՐ» ՍՊԸ-ն և ՀՀ պետական եկամուտների կոմիտե համապատասխան հարցում անելուց հետո դրական պատասխան ստանալու դեպքում կառաջարկվի կնքել համապատասխան պայմանագիր:

ՀՀ պետական եկամուտների կոմիտեի կողմից 24.12.2018թ. տրամադրած եզրացության համաձայն՝ «ՏՐԱՆՍ-ՍՖԵՐ» ՍՊԸ-ն հարկային մարմնի կողմից վերահսկվող եկամուտների գծով ունի ժամկետանց պարտավորություն՝ 868.000 ՀՀ դրամ գումարի չափով:

Հանձնաժողովը 27.12.2018թ. ժամը 12:00-ին կայացած նիստի թիվ 3.1 արձանագրության 1.1 կետով արձանագրել է, որ «ՏՐԱՆՍ-ՍՖԵՐ» ՍՊԸ-ն ՀՀ պետական եկամուտների կոմիտեի կողմից 24.12.2018թ. տրամադրած եզրակացության համաձայն՝ հայտը ներկայացնելու օրվա (19.12.2018թ.) դրությամբ հարկային մարմնի կողմից վերահսկվող եկամուտների գծով ունի ժամկետանց հարկային պարտավորություն և հիմք ընդունելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 44-րդ կետը, որոշել է «ՏՐԱՆՍ-ՍՖԵՐ» ՍՊԸ-ի կողմից ներկայացված հայտը մերժել:

Բողոքի քննության նպատակով կայացած նիստի ժամանակ «ՏՐԱՆՍ-ՍՖԵՐ» ՍՊԸ-ի ներկայացուցիչը Բողոքներ քննող անձին հայտնեց, որ ՀԱՖՆ-ԳՀԾՁԲ-19/01 ծածկագրով գնանշման հարցման ընթացակարգի գնահատող հանձնաժողովն արձանագրել է, որ ՀՀ պետական եկամուտների կոմիտեի կողմից 24.12.2018թ. տրամադրած եզրակացության համաձայն՝ «ՏՐԱՆՍ-ՍՖԵՐ» ՍՊԸ-ն հայտը ներկայացնելու օրվա դրությամբ (19.12.2018թ.)

ունի հարկային մարմնի կողմից վերահսկվող եկամուտների գծով ժամկետանց պարտավորություն՝ 868.000 ՀՀ դրամ գումարի չափով: Ընկերության ներկայացուցիչը հայտնեց նաև, որ արձանագրված ժամկետանց պարտավորությունը ՀՀ պետական եկամուտների կոմիտեի կողմից 11.01.2019թ. «ՏՐԱՆՍ-ՍՖԵՐ» ՍՊԸ-ին տրված թիվ 16 տեղեկանքի համաձայն, գոյացել է «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն վճարման ենթակա դրոշմանիշային վճարների գծով: Ընկերության ներկայացուցիչը հավելեց նաև, որ «ՏՐԱՆՍ-ՍՖԵՐ» ՍՊԸ-ն «Հարկ վճարողի անձնական հաշվի քարտի» քաղվածքի համաձայն՝ հայտը ներկայացնելու օրվա (19.12.2018թ.) դրությամբ հարկային մարմինների կողմից վերահսկվող եկամուտների գծով պարտավորություններ չունի, հետևաբար հիմք ընդունելով «Հարկ վճարողի անձնական հաշվի քարտի» տվյալները և վստահ լինելով, որ ՀՀ պետական բյուջեի նկատմամբ պարտավորություններ չունի, Ընկերությունը մասնակցության հայտ է ներկայացրել:

Միաժամանակ Ընկերության ներկայացուցիչը Բողոքներ քննող անձին ներկայացրեց հարկային մարմնի կողմից վերահսկվող եկամուտների գծով պարտավորությունների վերաբերյալ «Հարկ վճարողի անձնական հաշվի քարտի» 19.12.2018թ. դրությամբ քաղվածքը, որի համաձայն՝ Ընկերությունը հարկային մարմնի կողմից վերահսկվող եկամուտների գծով պարտավորություններ չունի, ինչպես նաև ՀՀ պետական եկամուտների կոմիտեի կողմից 11.01.2019թ. «ՏՐԱՆՍ-ՍՖԵՐ» ՍՊԸ-ին տրված թիվ 16 տեղեկանքը, որի համաձայն արձանագրված պարտավորությունը դրոշմանիշային վճարների գծով է:

ՀՀ ԿԱ ՊԵԿ նախագահի 2017թ. հուլիսի 19-ի թիվ 228-Ն հրամանի համաձայն՝ սահմանված են վերահսկվող եկամուտների գծով պարտավորությունների հետևյալ հարկատեսակները՝ ԱԱՀ, շահութահարկ. եկամտային հարկ, ակցիզային հարկ, շրջանառության հարկ, արտոնագրային հարկ, բնապահպանական հարկ, ոչ ռեզիդենտի շահութահարկ, սոցիալական վճար, պետական տուրք, բնօգտագործման վճար, այլ հարկային եկամուտներ:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի՝

- 32-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է իր կողմից հաստատված հայտարարություն՝ հրավերով սահմանված

մասնակցության հրավունքի և որակավորման չափանիշներին իր համապատասխանության մասին.

• 43-րդ կետի 3-րդ ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային փոստի միջոցով Հայաստանի Հանրապետության կառավարությանն առընթեր պետական եկամուտների կոմիտե (այսուհետ՝ կոմիտե) հարցում է ներկայացնում առաջին տեղն զբաղեցրած մասնակցի՝ հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև ինչպես նաև հրավերով «ֆինանսական միջոցներ» որակավորման չափանիշի գնահատման համար սահմանված պայմանների առկայության վերաբերյալ՝ ներկայացնելով մասնակցի անվանումը և հարկ վճարողի հաշվառման համարը.

• 44-րդ կետի համաձայն՝ կոմիտեն նույն կարգի 43-րդ կետի 3-ին ենթակետով նախատեսված հարցումն ստանալու օրվան հաջորդող երկու աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին տեղեկատվություն: Եթե կոմիտեի կողմից սահմանված ժամկետից ուշ ներկայացված տեղեկատվությամբ արձանագրվում է, որ առաջին տեղն զբաղեցրած մասնակիցը հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեցել է օրենքով նախատեսված շեմը գերազանցող ժամկետանց պարտավորություններ կամ չի բավարարում հրավերով «ֆինանսական միջոցներ» որակավորման չափանիշի պահանջները, և պայմանագիրը կնքված չէ, ապա տվյալ մասնակցի հայտը մերժվում է: Եթե սահմանված ժամկետում տրամադրված տեղեկատվության արդյունքում մասնակցի ներկայացրած հայտարարությունը որակվում է իրականությանը չհամապատասխանող, ապա հայտերի գնահատման նիստում հանձնաժողովի որոշմամբ տվյալ մասնակցի հայտը մերժվում է՝ անկախ մասնակցի կողմից կոմիտեի տրամադրած տեղեկատվությունից տարբերվող տեղեկատվություն ներկայացվելու հանգամանքից:

«Հայաստանի ազգային ֆիլիարմոնիկ նվագախումբ» ՊՈԱԿ-ի կարիքների համար՝ անվտանգության և պահնորդական ծառայությունների մատուցման ձեռքբերման նպատակով հայտարարվել է ՀԱՖՆ-ԳՀԾՁԲ-19/01 ծածկագրով գնանշման հարցման ընթացակարգի հրավերի 1-ին մասի՝

• 7.12 կետի 3-րդ ենթակետի համաձայն՝ Հանձնաժողովի քարտուղարը հայտերի բացման նիստի ավարտին հաջորդող աշխատանքային օրը՝ էլեկտրոնային փոստի

միջոցով Հայաստանի Հանրապետության կառավարությանն առընթեր պետական եկամուտների կոմիտե (այսուհետ՝ կոմիտե) հարցում է ներկայացնում առաջին տեղ զբաղեցրած մասնակցի՝ հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև սույն հրավերի 1-ին մասի 2.5 կետով նախատեսված՝ «ֆինանսական միջոցներ» որակավորման չափանիշի գնահատման համար սահմանված պայմանների առկայության վերաբերյալ՝ ներկայացնելով մասնակցի անվանումը և հարկ վճարողի հաշվառման համարը: Ընդ որում նույն ենթակետում հարցումն ուղարկվում է [Lena\\_Najaryan@taxservice.am](mailto:Lena_Najaryan@taxservice.am) էլեկտրոնային փոստի հասցեին նույն հրավերի 7-րդ հավելվածով նախատեսված ձևին համապատասխան՝ էլեկտրոնային նամակի պատճենները միաժամանակ ուղարկելով [karine\\_sargsyan@taxservice.am](mailto:karine_sargsyan@taxservice.am), [gor\\_mkrtchyan@taxservice.am](mailto:gor_mkrtchyan@taxservice.am) և [procurement@minfin.am](mailto:procurement@minfin.am) էլեկտրոնային փոստի հասցեներին.

• 7.14 կետի համաձայն՝ կոմիտեն նույն հրավերի 1-ին մասի 7.12 կետի 3-րդ ենթակետով նախատեսված հարցումն ստանալու օրվանից երեք աշխատանքային օրվա ընթացքում էլեկտրոնային փոստի միջոցով պատվիրատուին տրամադրում է հարցման մասին սույն հրավերի 8-րդ հավելվածով նախատեսված ձևին համապատասխան տեղեկատվություն: Նույն կետով սահմանված ժամկետում կոմիտեից տեղեկատվության չստացման դեպքում մասնակցի ներկայացրած հայտարարությունները համարվում են իրականությանը համապատասխանող: Եթե կոմիտեի կողմից սահմանված ժամկետից ուշ ներկայացված տեղեկատվությամբ արձանագրվում է, որ առաջին տեղ զբաղեցրած մասնակիցը հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեցել է Օրենքով նախատեսված շեմը գերազանցող ժամկետանց պարտավորություններ կամ չի բավարարում սույն հրավերով «ֆինանսական միջոցներ» որակավորման չափանիշի պահանջներին և պայմանագիրը կնքված չէ, ապա տվյալ մասնակցի հայտը մեժվում է: Եթե սահմանված ժամկետում տրամադրված տեղեկատվության արդյունքում մասնակցի ներկայացրած հայտարարությունը որակվում է իրականությանը չհամապատասխանող, ապա հայտերի գնահատման նիստում հանձնաժողովի որոշմամբ տվյալ մասնակցի հայտը մերժվում է՝ անկախ մասնակցի կողմից կոմիտեի տրամադրված տեղեկատվությունից տարբերվող տեղեկատվություն ներկայացվելու հանգամանքից: Նույն կետով նախատեսված որակավորման չափանիշի

գնահատման ժամանակ հաշվի է առնվում նույն հրավերի 1-ին մասի 7.19 կետի 2-րդ ենթակետով նախատեսված ընթացակարգը:

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեն իրենց ներկայացրած գնային առաջարկի մինչև մեկ տոկոսը, բայց ոչ ավելի, քան հիսուն հազար Հայաստանի Հանրապետության դրամը գերազանցող ժամկետանց պարտավորություններ:

Բողոքներ քննող անձն արձանագրում է, որ.

- ՀՀ պետական եկամուտների կոմիտեի կողմից 24.12.2018թ. Հանձնաժողովին ներկայացրած եզրակացության համաձայն՝ «ՏՐԱՆՍ-ՍՖԵՐ» ՍՊԸ-ի ընթացակարգին մասնակցելու նպատակով հայտը ներկայացնելու օրվա (19.12.2018թ.) դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների գումարը կազմել է 868.000 ՀՀ դրամ:

- «ՏՐԱՆՍ-ՍՖԵՐ» ՍՊԸ-ի հարկային մարմնի կողմից վերահսկվող եկամուտների գծով ժամկետանց պարտավորությունը առաջացել է «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշայինի վճարների գծով:

- ՀՀ ԿԱ ՊԵԿ նախագահի 2017թ. հուլիսի 19-ի թիվ 228-Ն հրամանի համաձայն՝ սահմանվել են վերահսկվող եկամուտների գծով պարտավորությունների վերաբերյալ տրվող տեղեկանքի ձևը, որտեղ՝ «ՀՀ պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի համաձայն՝ վճարման ենթակա դրոշմանիշայինի վճարը որպես հարկային մարմնի կողմից վերահսկվող եկամուտների գծով պարտավորություն, նախատեսված չէ:

- «ՏՐԱՆՍ-ՍՖԵՐ» ՍՊԸ-ն հայտը ներակայացնելու օրը առաջնորդվել է Ընկերության «Հարկ վճարողի անձնական հաշվի քարտի» տվյալներում առկա տեղեկատվությամբ, որի համաձայն՝ «ՏՐԱՆՍ-ՍՖԵՐ» ՍՊԸ-ի՝ հայտը ներակայացնելու օրվա (19.12.2018թ.) դրությամբ հարկային մարմինների կողմից վերահսկվող եկամուտների գծով որևէ պարտավորություն առկա չէ:

Բողոքներ քննող անձը գտնում է, որ «ՏՐԱՆՍ-ՍՖԵՐ» ՍՊԸ-ի գնման գործընթացին հետագա մասնակցության դադարեցումը պայմանավորված է եղել Ընկերության իրազեկված չլինելու հանգամանքով, քանի որ Ընկերությունն արձանագրված հարկային

պարտավորության առկայության վերաբերյալ տեղեկությունը կարող էր ձեռք բերել բացառապես Ընկերության՝ հարկ վճարողի անձնական հաշվի քարտի քաղվածքի տվյալներում առկա տեղեկատվությունից:

Բողոքներ քննող անձը գտնում է նաև, որ տվյալ դեպքում արձանագրված պարտավորությունը չի կարող դիտարկվել «ՏՐԱՆՍ-ՍՖԵՐ» ՍՊԸ-ի՝ հայտը ներկայացնելու օրվա (19.12.2018թ.) դրությամբ հարկային մարմինների կողմից վերահսկվող եկամուտների գծով ժամկետանց պարտավորություն:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «բ» ենթակետով՝ ՀՀ գնումների հետ կապված բողոքներ քննող անձը

### Ո Ր Ո Շ Ե Ց

1. «ՏՐԱՆՍ-ՍՖԵՐ» ՍՊԸ-ի կողմից 08.01.2019թ. ներկայացրած բողոքը բավարարել:

2. Պարտավորեցնել ՀԱՖՆ-ԳՀԾՁԲ-19/01 ծածկագրով ընթացակարգի գնահատող հանձնաժողովին ընդունել՝

- 28.12.2018թ ժամը 12:00-ին տեղի ունեցած նիստի թիվ 3.1 արձանագրության 1-ին կետի 1.1 ենթակետով «ՏՐԱՆՍ-ՍՖԵՐ» ՍՊԸ-ի հայտը մերժելու մասին կայացրած որոշումը դադարեցնելու մասին համապատասխան որոշում,

- 28.12.2018թ ժամը 12:00-ին տեղի ունեցած նիստի թիվ 3.1 արձանագրության 2-րդ կետի ա) ենթակետով «ՊԱՀԱՊԱՆ» ՍՊԸ-ին 1-ին չափաբաժնի մասով 1-ին տեղ զբաղեցնող մասնակից ճանացելու մասին կայացված որոշումը դադարեցնելու մասին համապատասխան որոշում,

- «ՊԱՀԱՊԱՆ» ՍՊԸ-ի հետ պայմանագիր կնքելու մասին կայացված որոշումը դադարեցնելու մասին համապատասխան որոշում

- «ՏՐԱՆՍ-ՍՖԵՐ» ՍՊԸ-ի հայտը բավարար գնահատելու մասին համապատասխան որոշում:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ գնումների հետ կապված բողոքներ քննող անձի ընդունած որոշումն ուժի մեջ է  
մտնում այն տեղեկագրում հրապարակելուն հաջորդող օրը:

ՀՀ գնումների հետ կապված  
բողոքներ քննող անձ՝



ԷՄԻԼ ՍԱՐԳՍՅԱՆ